

धारयन् पुरोडाशं बृहस्पतिं जघनच्युतिमानन्दो  
भगस्य तृप्याण्यग्नेः पृथिवी यज्वनएतु पृदिशश्चतस्रो  
वाजसातौ चत्वारि च ॥ ६ ॥

सप्तमोऽनुवाकः ।

वृषास्य शुर्वृषभाय गृह्यसे । वृषायमुग्रेन चक्षसे ।  
दिव्यः कर्मण्योहितो बृहन्नाम । वृषभस्य या ककुत् ।  
विष्वान् विष्णो भवतु । अयं यो मामको वृषा । अथो  
इन्द्र इव देवेभ्यः । वि ब्रवीतु जनेभ्यः । आयुष्मन्तं वच-  
स्वन्तं । अथो अधिपतिं विशां ॥ १ ॥

अस्याः पृथिव्याअध्यक्षं । इममिन्द्रवृषभं कृणु । यः  
सुश्रुङ्गः सुवृषभः । कल्याणो द्रोणआहितः । कार्षीबल-  
प्रगाणेन । वृषभेण यजामहे । वृषभेण यजमानाः । अ-  
क्रूरेणेव सर्पिषा । मृधश्च सर्वा इन्द्रेण । पृतनाश्च जया-  
मसि ॥ २ ॥

यस्यायमृषभो हविः । इन्द्राय परिणीयते । जयाति  
शत्रुमायन्तं । अथो हन्ति पृतन्यतः । नृणामहंपृणीर-  
सत् । अग्रउद्भिन्दतामसत् । इन्द्रशुष्मन्तनुवामेरयस्व ।  
नोचा विश्वा अभितिष्ठाभिमातीः । निशृणी ह्याबाध